

國

策

地

名

考

國策地名考卷十八

歙 程恩澤纂

儀徵阮芸臺先生鑒定 溧陽 秋子奇箋

受業程德威校

古國

三家滅智左傳於是終國策卽於是始

國策載衛靈公近衛直彌子瑕

事本在趙策乃引古之詞鮑本改屬衛策非是其謂宋大尹卽景公時人亦非蓋二書隱相接

續也茲卽據爲斷限凡屬引古之詞在趙韓魏殺智伯

以前者其國謂之古國其邑謂之古邑山川城郭亦並

列焉別爲三卷以附於末

補

秦策蘓秦始將連橫說秦惠王曰章昔者神農伐補遂
黃帝伐涿鹿而禽蚩尤堯伐驩兜舜伐三苗禹伐共工
湯伐有夏文王伐崇武王伐紂齊桓任戰而霸天下高
注補遂國名姚注後語作輔遂鮑注未詳恩澤案路史
炎帝紀補遂不悞乃伐補遂而萬國定注云補遂二國
見呂春秋通典作輔遂非又云補卽史伯所云鄆蔽補
丹之補姓苑有補氏據此則其地當在今河南新鄭縣
然別無他證

遂

見上

恩澤

案春秋莊十三年齊人滅遂杜注遂國在濟

北蛇邱縣東北地理志泰山郡蛇邱縣有隧鄉古遂國
京相璠曰城上有魯園遂在東北十里水經注云蛇邱
縣北無城今遂城在蛇邱西北陳深曰遂國舜之後今
兗州府寧陽縣西北三十里有遂鄉與肥城縣接界又
路史云易之遂城古武遂也媯姬皆有遂今保定府安
肅縣西二十五里有遂城廢縣

洪志謂在深州武強縣東北似又一地然

其封國俱在神農之後恐未可據以爲是也

涿鹿

見上原注屬上谷

恩澤

案漢志上谷郡有涿鹿縣劉昭

曰是伐蚩尤之地世本涿鹿在彭城鄭氏曰在彭城南

顏師古曰上谷北別有彭城非宋之彭城也說本輿地志又見史

記正義十三州記涿鹿東北至上谷城六十里魏土地記

下洛縣今保安州東南六十里有涿鹿城城東一里有阪泉

泉上有黃帝祠州燕州東南四十里有軒轅城相傳黃帝

所築今名古城州西南九十里有涿鹿山一名獨鹿索隱

作獨鹿山涿水出焉水經注涿水出涿鹿山世謂之張公

泉東北經涿鹿縣故城南又東北與阪泉合又州東南

有蚩尤祠城其為古涿鹿無疑括地志媯州懷戎縣即保

州安東南五十里有涿鹿山涿鹿城在其側今在宣化府

保安州

通雅訛作保定府

南世本以涿鹿在鼓城南

見郡國志注

理總要因謂卽今順天府涿州非是史記帝王世紀諸書謂卽黃帝所都亦非以今考之正當爲蚩尤所都耳錢坫曰爾雅四極北至于祝栗祝栗卽涿鹿也

驩兜

見上高注驩兜三苗皆國名

恩澤

案呂氏春秋恃君覽

縛婁陽出驩兜之國多無君注云皆南越之夷路史濟之乘邱有驩亭或云驩兜國又云今宏農有地名鬼志爲驩兜之都然意驩爲國當如魯驩未必鬼地荒史驩兜國封于顓頊堯時爲司徒此等皆不足信姑存其說

可耳

三苗

見上原注國名縉雲氏之後

恩澤

案禮記疏有苗九黎

之後

國語稱黎苗

或曰九黎卽蚩尤也高誘淮南注以帝鴻

少昊縉雲三族之苗裔爲三苗路史南海亦有三苗國

注記云禹伐有苗其餘裔叛入南海則其種類並無定

說吳起云三苗之國右洞庭左彭蠡

史作左洞庭右彭蠡

汶山在

南衡山在北五帝本紀三苗在江淮荆山數爲亂正義

今江州鄂州岳州皆古三苗地元和志岳州本巴邱地

古三苗國也近南嶽

輿地廣記主此說

通典今長沙衡陽皆苗

三苗國地寰宇記引周景式廬山記云柴桑彭澤之郊
古三苗國通雅云當在衡州長沙之東袁州之西則其
地更無端的之處合諸說參之似以李吉甫歐陽忞二
家之說爲長

共工

見上原注伐乃流之

恩澤

案流共工乃舜攝位時事不

得至禹始伐之此所伐者當是古共工氏之國非堯臣
也山海經大荒西經有共工國天問王逸注共工名康

回

荒史主此說或云康國同名似非

路史地在宏農虞舜時共工或云

居此

此似指堯臣說然卽謂古共工氏舜時居此亦可通

諸說雖不足信然共工

氏霸九有明見經傳其與堯臣之靜言庸違者爲二固灼然也

夏

見上

恩澤

案夏者帝禹封國號也帝王世紀禹受封爲

夏伯在豫州外方之南正義今河南陽翟是也及爲天子都安邑仍曰夏今山西解州有夏縣湯放桀封其後於夏亭括地志夏亭故城在汝州郟城縣東北五十四里

崇

見上原注崇侯虎紂卿士道之爲惡

恩澤

案崇國語本

蘇國在今陝西鄠縣

說見帝王世紀
元和志靈字記

虎之封不知所在

或曰在同州境或曰卽鄠縣東五城之鄠城或蘇旣殛

死乃以封虎之先世也春秋時又有崇國

見宣元年

亦在秦

晉之間則虎滅後別封他姓者矣

殷

東周策秦興師臨周章昔周之伐殷

恩澤

案殷之邦畿

不常厥邑自契至成湯凡八遷焉景曰契始居商一也

昭明居砥石二也相土居商邱三也冥離商邱奉命治

河

見竹書凡

四也子亥

名振上甲
微之爻

遷殷五也孔甲之時

復歸商邱

竹書夏帝世三十三年
殷侯遷于商邱

六也湯自

商邱遷亳七也又遷景亳

此條未見後

也最後遷偃師則

所謂從先王居也自湯至盤庚又五遷周柄中曰仲丁

遷囂

同

一也河璽甲居相二也祖乙居耿三也又自耿

遷于庇四也南庚遷奄五也

按

御批通鑑輯覽四亳

異史記正義以亳放相耿殷為五邦兼盤庚遷殷言似未合

其後盤庚復自奄遷于

殷武乙又徙朝歌水經注謂武丁遷沫

蓋即

自沫徂亳

則其播徙者亦屢矣

箕

秦策范雎至章箕子接輿

恩澤

案元和姓纂云箕商圻

內國相傳在今山西遼州榆社縣東南三十里然並無

的據且距商邲畿尚遠杜預曰梁國蒙縣有箕子冢在
今河南商邱縣即北亳也箕子所封似應在此今太原
府太谷縣東南三十五里別有箕城春秋所云晉人敗
狄于箕也隰州蒲縣東北亦有箕城左傳所云焚我箕
郛也皆是異地與此無涉尚書地理今釋以晉人敗狄
于箕即今榆社縣非是榆社
蓋榆次
之訛

微

秦策蔡澤見逐於趙章是微子不足仁恩澤案微亦商

圻內國十道志謂在聊城九域志謂在博州今爲山東
東昌府聊城縣實一地也然水經注云濟水經梁山東

文選微鄉東

相春秋之傳也

京相璠曰壽張縣西北三

十里有故微鄉王氏曰微子所封國也高士奇曰今壽

張縣東南五十里有古壽張縣江永曰古壽張城在今

東平州西

說本

則其地又少差又今山西潞安府潞城

縣東北十五里亦有微子城或曰其初封在此後乃徙

封圻內然東昌東平俱非商圻也

比

同上故比子忠不能存殷

恩澤

案路史比亦國名

比本水名

蓋以水氏國詳見十七卷比陽

孟子雜記王子干封于比故曰比干漢

志南陽郡有比陽縣洪亮吉曰故城在今南陽府泌陽

縣西

密須

魏策獻書秦王曰章王不聞湯之伐桀乎試之弱密須氏以爲武教原注密須在安定陰密補曰密姑姓國在今寧州周紀西伯伐密須詩所謂密人不恭者也此誤以爲湯又云試之於弱尤謬

恩澤

案密有二三姑姓在

今甘肅靈臺縣西五十里地理志安定郡有陰密縣卽詩密人十道志陰密屬鶉觚故括地象云鶉觚密氏姑姓今陰密城在涇之安定括地志在鶉觚縣西元和志作靈臺寰宇記曰古密國地是也一姬姓在今河南密

縣東南三十里左傳齊有密姬地理志河南郡密縣故國臣瓚曰姬姓國是也師古曰詩所云密人卽左傳密須在安定若河南之密則春秋新密也其說極明允國語共王遊于涇上密康公從其地與安定相近疑卽密須之後韋昭以此爲姬姓國在河南密縣司馬貞謂姑姓之密在密縣與安定姬姓者不同俱似誤又云郡國志密須在東郡廩丘縣北今日顧城未知何據此說見齊世家文云文王伐崇密須大夷索隱旣引郡國志云又云密須在河南密縣不應兩歧上密須蓋崇之訛然郡國志並無此文且廩丘屬濟陰郡非東郡也惟前志則然

孤竹

燕策人有惡蘓秦於燕王者章薛孤竹之君餓而死於

首陽之山原注爾雅孤竹四荒中北國漢屬遼西令文

恩澤

案漢志遼西郡令支縣有孤竹城薛綜曰孤竹國

出竹帝王世紀湯十有八祀封墨胎氏孤竹國後九葉

慙不止生二子卽夷齊也皇侃論語義疏引春秋少陽

篇孤竹國是殷湯正月三日疑卽十八祀丙寅日所封路史

禹封怡是爲墨胎湯初析封離支卽令支張宗泰曰離令聲相近是爲

孤竹寢字記引地道記云孤竹城在肥如縣南十里括

地志云在盧龍城南十二里故蹟已不可考城或後人

所築而冠以故名云今在直隸永平府城西十五里

鬼

趙策秦圍趙之邯鄲章昔者鬼侯鄂

王懷祖讀史雜志鄂當作鄂或作刑

又作刑俱誤

侯文王紂之三公也原注徐曰鄴縣有九侯城

九一作鬼

恩澤

案郡國志鄴西有九侯城蓋鬼侯國是

正義九侯城在相州滏陽縣西南五十里寰宇記九侯

城亦名鬼侯城在磁州滏陽縣西南五十里卽紂時鬼

侯也路史鬼容區國商有鬼侯卽九侯

今漳浦有鬼侯山亦曰九侯山

是鬼九古通

御批通鑑輯覽九侯城在今彰德府涉縣洲

亮吉曰今爲廣平府磁州地

殷時有鬼方國乃北狄別種見于寶易注與此異

鄂

見上原注鄂屬江夏正曰左傳納諸鄂注晉別邑路史

在大夏世本云叔虞居鄂未知卽此否恩澤案地理志

江夏郡有鄂縣世本熊渠封其仲子紅爲鄂王晉大康

地記以此爲東鄂南陽有西鄂故此稱東鄂在今武昌府城西二里

餘見趙策晉陽下又殷本紀注徐廣曰鄂一作邢野王

縣有邢城史記文王伐邢又見尚書大傳卽此武王以封其子

說文亦云所謂邢晉應韓是也京相璠曰故邢城在今野王

縣西北三十里邢臺村名水經注城當太行南路道出其

中舊有上黨關今在懷慶府西北三十里但文王所伐

之邢必是助紂爲惡者而鬼鄂二國爲商賢侯方與文

王同心輔政乃謂文王伐邾卽是伐邾恐未可信左傳
邾劉爲邾之田於邾在今河南與河內之邾非一地或
卽武王子所封歟○鄭語云武王之子應韓不在則西
周之末邾國尙存今故兼存徐注而特爲之辨云

吳

秦策謂秦王曰章吳王夫差棲越於會稽恩澤案吳姬

姓子爵

國語作吳伯韋昭云本伯爵史記索隱主之江

當以春秋爲正周太王長子泰伯采藥荆蠻以讓季歷始居梅

里吳地記泰伯築城于梅里平城周三里因國焉史記

義之從而歸自號勾吳其地在今常州府無錫縣東南

四十

作里劉昭曰無錫縣東皇山有泰伯泰伯卒無

子弟仲雍立

世本居篇吳孰哉居蕭縣孰姑從勾吳宋忠曰孰哉仲雍字藩蕭今吳之餘暨也孰

姑焉

夢字

武王克殷求泰伯仲雍後得周章

仲雍曾孫

已君吳因

封之

風土記云武王追崇周章又封章小子斌于無錫安陽山不知何本

傳十五世至壽

夢

吳世家泰伯至

始通上國又五傳至光使子胥築闔

廬城都之

越絕書吳大城闔廬所造周迴二百一十步二尺疑誤按城邑考周敬王十六年闔廬作大

城周四十二里三十步小城八里二百六十步

即今蘓州府治也

地理志以會稽郡吳縣為

泰伯所邑非是

又一傳至夫差為越所滅

虞

魏策秦使趙攻魏章昔者晉人欲亡虞而伐號原注

見秦

策屬河東大陽

恩澤

案虞仲雍之後

地理志以為秦伯後非是

武王

既封周章於吳又封周章之弟虞仲與周於周之北故

夏墟曰西吳以奉仲雍之祀司馬遷曰予讀春秋古文

乃知中國之虞與荆蠻勾吳為兄弟是也括地志故虞

城在河北縣東北五十里虞山之上今在解州平陸縣

東北六十里方輿紀要作四十餘里僖五年晉所滅高士奇

曰古虞思國舊說在梁國虞縣今虞城縣然亦有云在河東

者詩虞芮質成虞字記平陸縣西六十里有虞芮所讓

之閑原東西七里南北十三里與芮城接壤虞仲得封夏墟蓋在

古虞既亡之後也存之以俟考

號

見上原注

策見秦

路史云北虢仲後也在大陽今陝州西

南虢仲之封在岐東遷曰此之大陽為南虢東虢叔之

封制也今鄭之滎陽按此策所指者北虢也

恩澤

案以

此為北虢甚是惟謂北虢仲後東虢叔後則未合賈逵

云虢仲封東虢制是也虢叔封西虢

即北虢

虢公是也其

說最古諸家皆從之東虢滅於東周以前鄭桓公得虢

檜之地所謂虢叔死焉者也

此虢叔乃東虢之君虢仲之子孫也其西虢虢叔後

兼稱虢仲虢叔並見左傳

西虢初封於雍

漢志雍為西虢

在今鳳翔府寶雞

縣東六十里平王東遷徙封宏農陝縣東南之上陽城

亦曰北虢

漢志北虢在大陽

今為河南陝州

通典又云虢都在陝郡平陸縣蓋與

虞本接壤也賈逵曰僖五年爲晉所滅其支庶之留於號在虞南虞在晉南

雍者曰小號亦曰桃號城在寶雞縣東五十里秦武公

十一年滅之

在魯莊公末年

郭

秦策田華之爲陳軫說秦惠王曰章夫晉獻公欲伐郭

而憚舟之僑存原注郭號同屬扶風

恩澤

案公羊傳晉

獻公曰吾欲伐郭則虞救之伐虞則郭救之蔡邕郭有

道碑文曰王季之穆有號叔者實有懿德文王咨之建

國命氏或謂之郭是郭卽號也與春秋郭公之郭無涉

曹

魏策八年謂魏王曰章昔曹事齊而輕晉齊伐釐莒而
晉人亡曹繒恃齊而輕趙齊和子亂而越人亡繒鄭恃
魏以輕韓魏補伐榆闕而韓氏亡鄭原恃秦翟以輕晉
秦翟年穀大凶而晉人亡原中山恃齊魏以輕趙齊魏
伐楚而趙亡中山原注曹今定陶恩澤案曹姬姓文王

子叔振鐸之後地理志濟陰郡定陶故曹國周武王弟

叔振鐸所封禹貢陶邱在西南是也今山東定陶縣西

有故陶城或曰曹卽曹州也今爲曹縣與定陶同屬曹

州府相隔六十里蓋亦其地自振鐸至伯陽凡二十五

傳

或作十八
葉疑誤

爲宋所滅

策作晉人亡曹當是記載之異
吳氏正曰卽僖二十八年晉侯

伐曹分曹田事凡
言亡非必國滅也

繒

見上原注繒禹後屬東海補曰杜注今琅邪鄒縣恩澤

案繒姁姓子爵左傳杞鄒何事國語杞繒由太姁蓋與

杞同族俱為太姁之母家地理志東海郡有繒縣故國

禹後章懷太子曰鄒故城在永縣東北寰宇記屬沂州今兗州

府嶧縣東八十里有鄒城高士奇曰國語申繒方彊史記申侯與繒攻幽王是時申

國于謝繒必與之相近故能偕舉兵左傳哀四年我方

城之外于繒關疑即其故墟後乃徙琅邪也又襄元年

諸侯之師次于鄒襄六年為莒所滅策云越人亡繒亦與左傳異補曰此

或訛也

原

見上原注僖二十五年原降使趙衰處原

恩澤

案趙衰

所處之原乃周蘓忿生邑非國也策云此五國所以亡者皆有所恃也則原當是國不是邑左傳原爲文昭則原本周之懿親且其封當在武王之世而蘓忿生亦武王時司寇不應甫封卽滅遽歸他姓疑必別有一地爲原國者非卽濟源之原鄉也路史謂澤之沁水縣今屬山西澤州府西北有故原城疑是文王之後而注云卽蘓忿生邑則其說殊混不足據

宛

西周策宮他謂周君曰章宛恃秦而輕晉秦饒而宛亡

鄭恃魏而輕韓魏攻秦而鄭亡邾莒亡於齊陳蔡亡於

楚原注宛屬南陽故申伯國南陽三晉時屬韓宛亡在

春秋之晉三晉分晉乃屬韓也恩澤案申姜姓伯夷之

後初封不知所在

江永曰或在今信陽州說見前卷

其後中絕宣王時

改封于謝韋昭曰謝申伯之都今在南陽地理志南陽

宛縣故申伯國潛夫論申在宛北序山之下路史曰序

卽謝也

張宗泰曰序謝聲相近

則宛與申謝並爲一地但據左傳

申當爲楚所滅故宛亦爲楚邑百里奚亡楚走之宛宛

鄙人執之是也茲云爲晉所滅殆不足信

邾

見上原注魯邾縣故邾也邾曹姓國二十九世楚滅之

恩澤

案邾卽邾也戰國時尙在不知策文何指路史以

邾邾爲二邾爲魯併邾爲楚併意者此言在邾亡後歟

然曹姓之邾穆公時改號曰邾歷有證驗

說見第十六卷則其

說不可通也

莒

見上原注莒屬城陽國故莒

同姓國三十世楚滅之

案莒有三姓未知孰是地理志周武王封少昊之後

嘉姓於莒此傳說所本也

杜氏釋例主此

國語曹姓邾莒則爲

顧頤後世本莒已姓左傳穆伯如莒從已氏也正與此

合又云紀公以下為已姓不知誰賜之姓見左傳穆伯

初不姓已而其後乃姓已者意者曹與魯即其初姓歟

始封計斤計斤左傳注作計基漢書如淳音義曰斤音基以玉義曰斤當作斤音基斤是誤字即

春秋介根也杜注在城陽縣臨縣東北今在膠州西南

五里至春秋時徙居莒杜注今城陽莒縣今為沂州府

莒州莒自初封二十三君原注作三十世疑有誤為楚簡王所滅

竹書周考王地歸於齊閔王走莒即故莒國也或曰齊

十年楚滅莒地說見列國興廢說莒君無諡而有號自茲與期十

齊策齊策一世至茲平公皆以地為號茲地名見昭五年注今按莒與與諡

昭五年注

共公見左傳說苑

立節篇

有莒穆公列子

說符篇

有莒敖公

亦見呂氏持君覽注云敖謚

文獻通考以季佗爲厲公則其說非也

陳蔡 鄭

見上案並見十六卷

萊

齊策蒯賁說齊閔王曰章昔者萊莒好謀陳蔡好詐原

注東萊故萊子國補曰春秋齊侯滅萊傳萊恃謀也恩

澤案左傳襄二年齊姜薨齊侯使諸姜宗婦來送葬召

萊子則萊姜姓也

孔疏謂召萊子不爲其姓姜似誤

定十年齊侯使萊

人以兵劫魯侯孔子曰士兵之兩君合好而齋夷之俘

以兵亂之非齊君所以命諸侯也則萊夷種也史記太
公封齊萊人與之爭營邱則其封在周以前矣禹貢萊夷作後
則虞夏時地理志東萊郡黃縣有萊山一名萊陰山亦曰龍門山山峽
已在此國巉巖鑿石通道極爲險峻爲天下五名山之一見封禪書國蓋以山得名
今登州府黃縣東南二十里有萊子城或曰卽今萊州府治似非襄
六年爲齊所滅

釐莒

見上曹下原注釐疑扶風釐正曰此不相涉齊策萊莒
好謀此釐字卽萊左傳公會鄭伯于邾杜注釐城劉向
引來牟作釐牟古字通恩澤案春秋無釐國當以吳說

爲長

同上

恩澤

案晉姬姓武王子叔虞之後始封於翼

舊說謂唐

叔初封在太原至穆侯始徙絳絳卽翼也今不從計見趙策晉陽

國號唐今平陽府翼

城縣東二十五里有唐城子變父改號曰晉今翼城縣

東有晉城傳十世至昭侯封其叔父成師於曲沃今爲

絳州聞喜縣

統志謂卽今曲沃縣非是

其後強盛遂併翼武公徙

絳卽今絳州景公又徙新田在今平陽府曲沃縣西南

二里春秋後六世至靖公俱酒韓趙魏分晉處晉君以

端氏在今澤州府沁水縣東九十里趙肅侯元年又奪

晉君端氏地徙處屯留在今潞安府屯留縣東南十里

而晉乃絕祀

此據趙世家與六國表異

六晉

秦策秦昭王謂左右曰章昔者六晉之時原注智范中

行韓魏趙晉卿也實分晉國

恩澤

案分晉國者三晉非

六晉也六晉猶言晉六卿耳

西戎

魏策五國伐秦章黃帝戰于涿鹿之野而西戎之兵不至禹攻三苗而東夷之民不赴又秦策四國爲一章穆

公用之而朝西戎

恩澤

案黃帝之西戎今無可考朝穆

公者卽左傳所云遂霸西戎者也

東夷

見上考見諸夷國

裸國

趙策武靈王平晝閒居章昔舜舞有苗而禹祖入裸國

恩澤

案淮南原道訓禹之裸國解衣而入衣帶而出

又見

論衡問

孔篇

高誘注裸國在南方

又云在西南方

又陸形訓自西南

至東南方有裸國民又說林訓西方之倮國論衡書虛

篇禹時吳爲裸國斷髮文身山海經注引東夷傳曰倭

國東四十

按魏志當作千

餘里有裸國裸國東南有黑齒國船

行一年可至水經注船官川原徐獵外夷皆裸身男以
符筒拚體女以樹葉蔽形外名狼臙所謂裸國也雖習
俗裸袒猶恥無蔽惟依暝夜與人交市閭中與金便知
好惡明朝曉看皆如其言自此外行得至扶南

翟

見上曹下

恩澤

案翟卽狄也種類甚多號稱羣狄有長

狄赤狄白狄之別其單以狄名者最爲強橫春秋時代
邢入衛大爲中國患疑卽此所云翟也然與齊策田單
所攻之狄又不同彼止據臨濟一縣言或曰卽長狄遺
種若春秋之狄則土地甚廣當在今山西直隸之間與

晉衛相近

公由

呂覽作夙繇韓非子作仇繇史記作仇猶

西周策秦令櫛里疾以車百乘入周章昔智伯欲伐公
山高注公由狄國或作仇首鮑注公由夷國屬臨淮又
九域圖并州有仇猶城引此正曰括地志并州孟縣外
城俗名原仇山漢志臨淮乃泗之漣水羅氏路史謂非
智伯所伐者愚釋案路史以在漣水者爲公猶在孟縣
者爲仇繇是羅氏本以智伯所伐在泗州也說詳通雅吳乃
據以正鮑謬矣然其說自不可易卽鮑亦非專主臨淮
也高誘淮南注仇由近晉之狄國則其在孟縣不在漣

水經矣方國智曰漢之公猶今潯州也春秋仇猶國今
之太原府孟縣也智伯欲伐左由卽此城非孟縣今
屬山西平定州東北半里有仇猶城舊名仇猶城卽孟
縣外城也

代

燕策張儀爲秦破從連橫說燕王曰章昔趙王以其姊
爲代王妻欲并代原注解題代北狄之別也其國在今
蔚州大事記元王元年晉趙無恤滅代恩澤案襄字記
代本北狄姜姓國周末強大在七國前稱王後爲趙并
事亦見趙世家詳見趙策

衡山風俗通義謂衡山一名霍孔冲遠等因以爲一山
二名非是地理志南陽有雒衡山以在雒縣界故名卽
山海經所云衡山非南岳也郭注合而一之
非是今在南召縣南又嵩塗縣有橫望亦名衡山卽左
傳楚子重伐吳所至也又丹陽烏程俱有衡山與此無
涉

天門

同上彭蠡章夏桀之國左天門之陰而右天谿之陽虛
皐在其北伊洛出其南原注後志高都有天井關注云
戰國策桀居天門卽此關也今本作桀居天
井卽天門也又云天門

卽史太華伊闕彼言右故此言左之陰恩澤案郡國志

注上黨郡高都縣前志曰有天井關引戰國策云云元

和志天井關在晉城縣南四十五里太衍山北地理通
釋云上黨天井關卽天門也此地正在禁都安邑之東
鮑據以注策未爲不可惟旣引漢志又引史記秦華似
乎兩歧

天門在左
太華在右

且連伊關爲文尤未合

天谿

見上原注天谿卽河濟彼言左故此言右之陽正曰史
文不同

盧翠

見上原注地缺補曰一本盧作廬未詳

恩澤

案通雅云

升庵曰盧翠卽盧溝也翠古皋字則今桑乾河矣洪亮

吉日桑乾河卽濕水今名永定河自保安州流入宛平縣西南至霸州合玉帶河亦名蘆溝河但此地距樂都甚遠未知升庵何據以史記羊腸在北考之盧皐恐是山名當在太原交城等處

伊洛

見上原注孔曰伊水出陸渾洛水出上洛正曰伊水出今商州上洛縣南熊耳山至洛陽縣入洛洛水出今商州洛南縣冢領山至鞏縣入河

恩澤

案伊有二源一出

汝州伊陽縣水經注伊水出南陽葛陂山逕陸渾縣三塗山下合涓水以東注號畧其地卽左傳所云辛有適

伊川者此縣注所本也一出陝州盧氏縣郡國志伊水出盧氏括地志伊水出盧氏蠻山近志伊水出盧氏閭頓嶺東流經嵩縣洛陽偃師入洛其發源處與商州上洛相近此吳注所本也流合原分各就所見言之故其說不同洛見韓策

鳴條

燕策秦陽君告朱驩曰章鮑本合上為一章伊尹再逃桀而之

湯果與鳴條之戰而以湯為天子恩澤案李堪云鳴條

有二在陳留平邱者東鳴條也在蒲州安邑者西鳴條也此當主安邑言郡國志河東郡安邑下引帝王世紀

曰縣西有鳴條陌湯伐桀戰昆吾亭左傳昆吾與桀同

日亡

今左傳無此文

括地志高瑕原在安邑縣北其南阪口即

古鳴條陌岡之北與夏縣接界或云舜所葬也尚書大

傳伊尹相湯伐桀戰于鳴條即此顧棟高曰安邑縣東

南有中條山縣北三十里

或作十里

有鳴條岡春秋時爲

晉條邑

毫

楚策客說春申君曰章湯以毫武王以鎬原注皇覽今

梁穀熟補曰括地志宋州穀熟縣西南南毫故城即湯

都宋州北大蒙城爲景毫湯所盟地所謂北毫河南偃

師爲西亳帝嚳及湯所都盤庚亦徙都云湯卽位後都

南亳後徙西亳

恩澤

案南亳在今商邱縣東南四十里

北亳在縣西北蒙城

或云卽今潁州府蒙城縣似誤

臣瓚曰湯所都也

西亳在今偃師縣西十四里縣南二十里有景山所謂

景亳也

張守節主此說皇甫謐以北亳爲景亳水經注同諸家多從之非是按左傳湯但命諸侯於此

並未遷都惟漢書臣瓚注有此說蓋指爲諸侯時言其以蒙爲景亳亦未的說見後三者皆在今

河南省此據湯始興時言當指南亳說左傳肅慎燕

亳吾北土也春秋釋例云亳小國與燕近史記秦寧公

三年與亳戰亳王奔戎遂滅湯

皇甫謐曰周桓王時有亳王號湯非殷也徐廣

曰亳王蓋說文亳京兆杜陵亭名戎王所居是三亳之成湯之後

外又有二亳路史謂亳有五蓋卽指此而其說未詳又
襄十一年同盟于亳城北杜注鄭地公穀作京城在今
滎陽縣東南則亳更有六但與殷無涉耳若立政所云
三亳則指南轅轅東成皋西降谷言更爲異義任啟運
謂亳止有四二在河南一在陝西商州一在山西垣曲
似有漏義 張氏琦曰北亳南亳之稱始於皇甫謐又
以偃師爲西亳以合尙書三亳之文甚謬考穀熟從無
亳稱漢書偃師下亦未云西亳也俞氏正燮曰書序湯
始居亳從先王居指商州言蓋契木封商後乃遷蕃至
湯復徙居亳六國表序所云在西方者是也

伊

見上鳴條下

恩澤

案伊尹蓋以伊水得姓相傳有莘氏

女採桑伊川得嬰兒於伊水之上遂爲伊尹其說本不足信姑錄於此餘見前

孟門

同上彭蠡章殷紂之國左孟門而右漳金前帶河後被

山原注孟門晉山險補曰索隱云在朝歌東北

恩澤

案

孟門有三一在今山西吉州西六十里水經注云淮南

子

郭璞山海經注引此作尸
于呂氏春秋亦有此說

龍門未闢呂梁未鑿河出

孟門之上大溢逆流名曰洪水大禹疏通謂之孟門移

天子傳北登孟門九河之隘孟門卽龍門之上口也實

爲黃河之鉅阨一在今同州府韓城縣東北八十里卽

龍門之下口也

距上口約一百六十餘里

亦曰孟門一在今汾州府

永寧州西一百二十里唐爲石州地有孟門關

元和志唐初分

隴州地置孟門縣唐廢後置定胡縣東至石州九十五里孟門關在縣西一百步

郡國志水

經注亦以爲品梁所至但此皆與紂都朝歌不相及劉

伯莊云紂都朝歌則孟門在其西今言左則東邊別有

孟門也司馬貞因謂孟門在朝歌東北乃望文生義其

實此地無山以應之胡渭曰凡與太行連舉者皆非吉

州之孟門也孟門者太行隘道之名

方輿紀要謂孟疑門卽太行似混疑

卽今輝縣之白陘高士奇曰紂都朝歌太行如屏攏其

西北二陘

謂白陘太行陘

分列左右可恃以爲固也

顧棟高江永並主此

說按左傳齊侯伐晉取朝歌入孟門登太行其地相連則此說可存

漳釜

見上原注溢通借

恩澤

案漳出上黨溢出鄴西其發源

處並在朝歌西北故曰右漳釜詳見趙策

河

見上

恩澤

案河自龍門出潼關折而東流歷經陝州河

南開封以至大名曹州諸府皆在朝歌之南故曰前帶

河

山

見上

恩澤

案此卽太行山也太行在河內之北鳳臺之

南西以沁水爲界東以丹水爲界

詳見韓策

正在朝歌之後

故曰後被山

淇谷

洹水

秦策張儀說秦王曰章昔者紂爲天子帥天下將

一有

百萬左飲於淇谷右飲於洹水原注河內其淇水所出

燕秦傳注洹出林慮項紀注在安陽縣北前後志在良

鄉東南

恩澤

案淇見衛策洹見趙策二水之間故殷墟

也項羽本紀乃與

章

期洹水南殷墟上臣瓚曰洹水在

今安陽縣北去朝歌殷都一百五十里然則此殷墟非朝歌也正義括地志相州安陽本盤庚所都南去朝歌城百四十六里西南三十里有洹水南岸三里有安陽城西有城名殷墟所謂北冢者也索隱曰汲冢古文盤庚自奄遷於北冢同曰殷墟南去鄴州三十里是殷墟舊地名號北冢也太平御覽相州安陽縣在淇洹二水之間本殷虛所謂北冢也戰國策云左飲淇水右飲洹水卽此地路史庚丁徙河北號北殷卽殷墟或云北冢與竹書所注云國策左飲淇右飲洹東晉謂盤庚遷處云是一地正義以爲盤庚餘王遷之蓋卽庚丁也都城記安陽城

一名殷中卽北冢也在洹水南岸三里鄴縣西南四十里合諸說參之此殷墟當是庚丁所都紂蓋陳兵於此以禦周師也宋白謂卽紂之都非是羅泌謂北冢卽蒙城何楷謂北蒙卽景臺方以智又以盤庚所遷有浹水卽今陳州商水縣俱誤

牧

魏策蘓子爲趙合從說魏王曰章武王卒三千人革車三百乘斬紂於牧之野恩澤案竹書紀年周武王率西夷諸侯伐殷敗之於垺野郡國志河內郡朝歌縣南有牧野說文垺朝歌南七十里地鄭注書序牧野紂南郊

地水經注自朝歌以南暨清水土地平衍據皋跨澤悉

牧野矣正義衛州卽牧野之地東北去朝歌七十三里

通典汲郡

卽衛州

古牧野地

九域志同

卽紂都近郊三十里是

此本偽孔傳

太平御覽衛州舊城隋以前謂之陳城賈耽縣

道記云武王伐紂於此列陳故名後魏置伍城縣隋改

伍城爲汲縣卽今衛輝府汲縣也

古汲城在今縣西南二十五里

大約

自汲縣至淇縣故朝歌城中間七十餘里皆可謂之牧

野詩所云牧野洋洋者也

首陽

燕策人有惡蘓秦於燕王者章辭孤竹之君餓而死於

首陽之下原注伯夷傳注首陽在蒲坂華山之北河

之中

恩澤

案史記正義首陽山有五一在蒲坂

正義云在蒲坂

以在岐陽西

北故稱西山

即注所云也

本馬融說一在隴西漢志隴西郡

首陽有鳥鼠同穴山曹大家幽通賦注夷齊餓于首陽

山在隴西是也一在遼西說文嶧山在遼西一曰嶧鐵

嶧谷是也一在偃師高誘云首陽在雒陽東北戴延之

西征記洛陽東北首陽有夷齊祠水經注平縣故城西

北有首戴

即春秋首止

即夷齊作歌之所所謂登彼西山是

也一在北海孟子伯夷避紂居北海之濱是也閻若據

曰先儒多主馬注石曼卿詩云恥生湯武干戈地寧死

唐虞揖讓區以河東蒲坂乃舜都也

地理通釋
主此說

然酈道

元既主此說又兼存首戴則在當時已無定論錢坫曰
夷齊歌自稱西山蒲坂之山無西山之目若以在周西
論之則作隴西者爲是趙佑曰首陽富在遼西孤竹本
遼西國是時無適而可惟本國尙仍殷封之遺首邱之
義也宋翔鳳曰說文但云岵山在遼西並無首陽之文
正義引說文
作首陽山孟子北海之濱亦空語無以所可據者惟
洛陽蒲坂隴西三處以大戴禮二子居河濟之間攷之
當以偃師爲是各執一見言人人殊並可焉可也

楚山

魏策魏惠王死章昔王季歷塋于楚山之尾樂水音義

墓原注樂淵流也補曰姚云後語作樂水註引荆楚記

當作荆宜都烏水水即蠻按季歷卒塋鄆縣之南皇南謚

云楚山一名潏山鄆之南山雖有楚山之名不宜得蠻

水所留樂音蠻說文云漏流也一曰潰也為漏流所

潰故云吕氏春秋作塋於潏水今本作潏山見開春論之尾後云

天故使明水見之初學記引一作潏山今本作潏水又

引吕覽論衡作潏山恩澤案水經注引潏子及漢書

音義並云岐水一名大樂水出石橋山東南流合漆水

又合杜水逕岐山而屈逕周城南寰宇記商洛山亦名

楚山

卽四皓隱處

在商洛縣南一里長安志周王季墓在南

山畢沅曰卽扈山也洪亮吉曰地在鄠縣東南則扈山

卽楚山樂水卽岐水也

牖里

趙策秦圍趙之邯鄲章文王聞之喟然而嘆故拘之於

牖里之庫百日而欲令之死原注牖里在蕩陰

恩澤

案

地理志河內郡蕩陰縣西山美水所出郡國志蕩陰縣

有美里城水經注美水東流逕美城北故美里也史記

音義曰牖里在蕩陰縣今彰德府湯陰縣北七里

寰宇記作

九里方輿有牖城北臨牖水一名防城相傳紂囚文王
紀要從之

處卽牖里也 廣雅牖獄犴也夏曰夏臺殷曰羑里周

曰囹圄皆圜土此說似未可信果爾則羑里是殷獄通

名不當專在蕩陰矣

元和姓纂羑里殷秋官亦此意

王門

趙策希寫見建信君章昔者文王拘於羑里而武王羈

於王門原注項羽紀成畢北門注王門此事不經見恩

澤案韓非子喻老篇文王見囿于王門呂氏春秋首時

篇作王門卽玉門也

古以中畫近上爲王字三畫正均爲玉字故易混

淮南道

應訓文王歸乃爲玉門築靈臺相女童擊鐘鼓

高誘注玉門以

玉飾門爲柱楹也恐未必然

則其事非不經見但舊說俱屬之文王

且語各小異與策不相應耳水經注河水南對玉門顧
祖禹曰玉門成皋西門也宋時西關門亦曰玉關國策
武王有玉門之難卽此張晏注作成皋北門稍誤注亦非
今河南汜水縣西二里有古峭關一名車從關卽虎牢也玉
門在此

鎬

元作鄠

見上毫下原注屬京兆恩澤案郡國志鎬在長安縣上

林苑中孟康曰長安西南有鎬池鄭康成曰鎬京在豐
水東相去蓋二十五里十道志鎬池在長安城西昆明
池北卽周故都括地志鎬在雍州西南三十二里通典

長安西北十八里昆明池北有鎬陂古史考武王遷鎬
長安豐亨鎬池也三輔決錄注自漢武帝穿昆明池於
此鎬京遺址淪陷焉說見水經注洪亮吉曰鎬京在長安縣
西南鎬水在縣西北源出南山谷中北流逕故長安城
西南注昆明池又北爲鎬池志云鎬池在咸陽縣西南二十五里又北入
於灃水自唐堰入昆明池而灃鎬之流絕今則昆明池
亦涸爲閒田矣

朝歌

秦策四國爲一章太公望齊之逐夫朝歌之廢屠子良
之逐臣棘津之讐不庸文王用之而王原注朝歌屬河

內恩澤

案呂望鼓刀兩見楚辭其在朝歌則無可考說

見趙策

棘津

見上原注後志琅邪西海太公所出又釣於棘津今存

恩澤

案棘津有七一在今山東諸城縣

張氏釋地謂在日照縣

郡

國志琅邪國西海下引東觀書曰有滕山博物記太公

呂望所出今有東呂鄉又釣于棘津其浦今存此舊說

所本也今其地有紀里河

在諸城縣東南

一名合河西崖有臺

方三里名棘津相傳太公釣處是也一在今河南衛輝

府延津縣故胙城縣水經注河水經東燕故城北則有

濟水北來注之河水於是有棘津之名亦謂之石濟津

故南津是也一在今汲縣汲縣在延津北七十里元和志黃河西

自新安縣界流入經汲縣南去縣七里謂之棘津寶字記同

左傳自南河濟是也一在今歸德府永城縣劉澄之云

譙郡鄆縣有棘津亭亦謂之石濟津呂尚所困處是也一在今

懷慶府孟縣服虔云棘津猶孟津也江永以為荀吳涉

處當在此是也一在今開封府祥符縣樂史云開封縣

西南三十里有棘城即左傳棘津是也一在今直隸棗

强縣地理志屬信都國郡國志屬清河國廣川縣劉昭曰廣川縣有棘津城

太公呂尚困於此史記集解徐廣注主之寰宇記冀州

東強縣東北二十七里有棘津故城卽太公賣食及荀
吳涉處是也徐廣晉紀言棘津在東郡河內之間田融
以爲卽石濟南津蓋主汲縣以太公本汲人也漢崔瑗高誘晉
盧無忌俱以太公爲河內汲人閻若璩曰太公本海曲縣人其地爲今
之莒州日照等處與諸城相近則舊注亦未爲不是其
餘紛紛之說存而不論可矣

渭陽

秦策范雎至章臣開始時呂尙之遇文王也身爲漁父
而釣於渭陽之濱耳原注渭水出隴西首陽此渭水之
陽時在咸陽之地補曰正義引呂氏春秋云太公釣於

茲泉酈道元云礪溪

張氏琦曰礪溪在今寶雞縣東南八十里中有茲泉水

源出岐州岐山縣西南

句乃正義引括地志文以為水經注非是北谷北流

十二里注於渭

恩澤

案高誘注渭陽在咸陽地其注呂

覽首時篇云渭水名近豐鎬文王所邑也地理志右扶

風渭城故咸陽水經注渭水之陽即懷德縣界也今在

西安府咸陽縣東北二十里

周

秦策蔡澤見逐於趙章閔天事文王周公輔成王也豈

不亦忠乎

恩澤

案左傳隱六年周桓公言於王杜注周

采地扶風雍縣東北有周城此與太王所都周原非一

地

譙周以周公采地
即太王所居疑誤

蓋周公初封之邑也地形志雍縣

有故周城括地志周公城在岐山縣北九里今岐山縣

有周公邸周公廟知周城亦在其境雍縣即今鳳翔府

治岐山縣在府東五十里其東境即漢美陽縣地 鄭

氏詩譜曰周公封魯召公封燕元子世之其次子亦世

守采邑在王宮春秋時周公召公是也孔穎達曰春秋

周召二公別於東都受采考王封弟揭於河南以續周

公之官職蓋即其事其地今不可考

謂東周時若戰國
則鞏與河南有明

文杜預但據始封言之耳

邵

楚策虞卿謂春申君曰章太公望封於齊邵公奭封於

燕爲其遠王室矣恩澤案召公采地本在西京今陝西

鳳翔府境內有召亭京相璠云亭在周城南五十里郡

國志郿縣有邵亭是也東遷後改封邵原郡國志河東

垣縣有邵亭注引博物記曰縣東九里有郿邵之阨

朱白曰卽周召分陝處魏邵郡因以名地形志皇興四年置邵上郡太

和中併河內今濟源縣西百二十里有邵原關蓋因其

布政於此垣縣東六十里古棠樹下有邵公祠故以封其子孫也又寰宇

記棣州厭次縣亦有邵城路史易縣故涑水縣城在州

北四十二里亦曰邵周封召公於此蓋歸老之地則故

藝圃

卷一

一

國策地名考卷二十

歙 程恩澤纂

儀徵阮芸臺先生鑒定 溧陽 狄子奇箋

男誠和校

古邑下

葵邱

同上周章昔者齊桓公一匡天下至葵邱之會有驕矜之色叛者九國原注杜注陳留外黃東有葵邱恩澤案

葵邱有四一在今衛輝府考城縣東郡國志外黃有葵

邱聚齊桓公會此城中卽舊注所本也

漢外黃城在今杞縣東與睢州

按界睢州北境本古考城縣地乾隆四十八年始移考城治黃河北岸而以其南境入睢州則以今地核之外黃葵邱當在今杞縣睢州之間言在考城者特仍從前舊說耳一在今青州府臨淄縣

西三十里左傳齊侯使連稱管至父戍葵邱

高士奇以爲卽渠邱

江永京相璠曰在臨淄西五十里是也一在今蒲州府

萬泉縣東十五里介山之北胡廣曰汾陰有葵邱水經

注汾水西逕鄆邱北故漢氏之方澤也

武帝本紀作汾陰

漢舊儀作葵上師古曰雕葵音同水經注分爲兩地其實一也

賈逵曰漢法三年祭地

汾陰方澤

澤中有方邱故謂之方澤邱

卽葵邱也說文鄆從邑癸聲

河東臨汾地名

魏土地記河東郡北八十里

是也一在

今彰德府臨漳縣水經注春秋古地名云葵邱地名今

鄴西三臺是也

水經注鄴城西北有三臺皆因城爲之基巍然崇舉其高若山

馬宗

曰管子築五鹿中牟鄴以衛諸夏鄴本齊桓公所築葵

邱宜在鄴與宰孔勤遠畧之言合今按孔疏云或曰河

東汾陰縣爲葵邱非也經書夏會葵邱九月乃盟晉爲

地主無緣欲會而不及盟也此說甚是是時宰孔先歸

途遇晉侯必在今河北地方

時晉都絳自絳至鄴必由懷衛自鄴至周亦必由懷

衛故

相遇若會於汾陰晉侯不得反向東行宰孔歸路亦必

無得遇晉侯之理惠棟全祖望以爲惟在汾陰乃是西

會不知自齊視之不特鄴在西卽陳留亦西也惟陳留

差近不可云勤遠畧耳數者之說以鄴爲允 郡國志

山陽有郟城京相璠曰在河內山陽西北六十里路史
以爲卽河東臨汾非是此地本不名葵邱且河內不得
云河東也

史說集解引范子曰計然者葵邱濮上人此似又一地係考

南陽

同上朝歌章管仲其鄙人

疑

之賈人也南陽之敝幽魯

之免囚桓公用之而霸原注修武南陽也仲穎上人嘗

以貧困隱此

恩澤

案修武南陽時爲周畿內地距穎上

甚遠恐非仲之所居當以泰山南陽爲是詳見齊策

韓原

韓策謂鄭王曰章昔者秦

補

穆公一勝於韓原而霸西

州晉文公一勝於城濮而定天子原注晉記傲于韓注

晉韓原

今杜注
在晉地

後志在馮翊夏陽

恩澤

案郡國志左馮

翊夏陽縣下引博物記曰有韓原韓武子采邑十六國

春秋云卽魏顆夢老人結草抗杜回處

按魏顆敗秦師
於輔氏在今朝

邑縣西北

括地志同州韓城縣南十八里爲古韓國索

隱在馮翊夏陽北二十里今韓城縣是也但此非秦獲

晉侯地江永曰秦敗晉韓原當在河東傳云涉河侯車

敗注謂秦伯之軍涉河則晉侯車敗又曰寇深矣若之

何則韓原不在河西蓋在山西平陽府河津萬泉之間

向尚未覈
說見下

杜以晉邑釋之不言韓原在夏陽也舊說以

爲韓城縣非是是時韓城仍屬秦文十年晉伐秦取少
梁始入於晉又以爲卽古韓國亦非古韓國在今順天
府固安縣於漢爲涿郡方城縣錢坫曰郡國志河東郡
河北縣有韓亭今爲解州芮城縣當是秦晉戰處方輿紀要
亦載此說武子所封亦應在此說見韓策

城濮

見上又同上朝歌章文公用中山盜而勝於城濮原注
衛地恩澤案此本杜注不言所在呂氏春秋義賞篇高

誘注云城濮楚北境地名亦無端的之處顧祖禹曰今

山東濮州南七里有臨濮城

本漢城陽縣地隋析置臨濮縣全廢爲臨濮鎮

或謂之小濮或曰卽古城濮地傳云晉師陳於華北又云晉侯登有華之墟以觀師則城濮必與華相近元和志古華仲國在濟陰縣東南三十里今曹縣北十八里有華仲集距濮州不甚遠疑卽其地

柳下

齊策齊宣王見顏觸章令有政去柳下季壟五十步而樵採者死不赦原注魯展禽字季食采柳下亦云居之

恩澤

案路史引地理風俗記云高城縣東北五十里有

柳亭故縣世謂辟亭展禽邑也地理志勃海郡有柳縣應劭曰在高城縣東北五十里寰宇記故城在鹽山縣

東七十里今屬天津府此地距魯甚遠惠之采邑不應
在是路史似出附會水經注亦載此地未云惠邑也

强臺 崩山 江湖 彷徨

魏策梁主魏嬰觴諸侯於范臺章楚王登强臺而望崩
山左江而右湖以臨彷徨其樂忘死原注姚云强臺一
作荆臺崩山一作崇山彷徨一作方湟並見藝文類聚
補曰說苑云楚昭王欲之荆臺司馬子綦進諫曰荆臺
之遊左洞庭之波右彭蠡之水南望獵山下臨方淮其
地使人遺老而望死王不可遊也後漢邊讓遊章華臺
賦云楚王遊雲夢之澤息於荆臺之上前方淮之水左

洞庭之波右顧彭蠡之隩南眺巫山之阿延目廣坐聘
觀終日顧謂左史倚相曰盛哉斯樂可以遺老而忘死
也荆臺卽章華也淮南子云令尹子佩請飲莊王莊王
曰吾聞子樂於強臺強臺者南望料山以臨方皇左江
而右淮其樂忘死若吾薄陋之人不可以當此樂也注

料山名方皇水名右三說聊記以廣聞

恩澤

案據此則

強臺卽荆臺章華臺也崩山卽巫山獵山料山也江卽
洞庭也湖卽彭蠡也彷徨卽方淮方皇也其地則雲夢

也杜注華容

今監
州縣

有章華臺夢溪筆談荊州江陵長林

監利皆有章華臺皆雲夢所在也蓋皆一地數名傳聞

各異故其說不同如此

昭關

同上渭陽章伍子胥橐載而出昭關夜行而晝伏至於淩水無以餌其口坐行蒲服乞食於吳市卒興吳國闔

廬爲霸原注昭關楚關名

恩澤

案索隱云其關在西江

洪亮吉曰大江在和州東南自廬州府無爲州界流入又東北入江浦縣界江流自西南繞而東北故昔稱和州爲西江乃吳楚之境顧祖禹曰今和州含山縣北二十里

一作十里有小峴山一名昭關兩山峙立爲廬壽往來之衝

卽伍員所出處也縣北十五里有馬跑泉名昭關泉俗傳伍子胥過昭關馬跑泉出此其遺蹟云

濞水

姚本作葵求
鮑本作葵夫

見上原注地缺正曰索隱云卽溧水

恩澤

案史記作陵

水劉伯莊曰陵溧聲相近故或說文溧水出丹陽應劭

曰丹陽郡溧陽縣溧水所出南湖也今在鎮江府溧陽

張氏釋地作

縣西北四十里一名瀨水

張宗泰曰溧
瀨聲相近

卽

永陽江之上源凡宣歙以上大江南岸之水多會於此

地理志謂之中江江上有渚曰瀨渚白瀨渚東北流曰

瀨溪

鄉民訛
曰瀨溪

入長蕩湖其東南流至陽羨者卽荆溪也

縣西七十里有昇平湖亦舊中江所經之地

說見方輿
紀要乾隆

志相傳爲伍員乞食投金處其地有投金瀨亦曰金淵

文縣北少西有胥渚胥泊二村皆以子胥經過得名

吳市

見上原注胥傳在丹陽溧陽

思澤

案此本張勃吳錄語

謂漢丹陽郡之溧陽縣卽今鎮江府溧陽縣也吳越春秋伍子胥奔吳至溧陽女子擊漂瀨水之上子胥過而乞一餐女子發簞飯壺漿食之子胥餐而去謂女子曰揜子壺漿勿令其露女子曰行矣子胥行五步還顧女子已自投江瀨而死子胥伐楚師還過溧陽瀨上欲報百金不知其家乃投金瀨水而去殆卽所謂吳市歟

柏舉

楚策威王問於莫敖子華曰章昔者吳興楚戰于柏舉

原注定四年注楚地

恩澤

案呂覽首時篇注云柏舉楚

南鄙邑亦不言所在淮南詮言訓作柏莒蓋古字通水

經注舉水出龜頭山西北流逕梁南定州治

在今麻城縣東北

又西流左合番山之水又西南逕顏城南又西南逕齊

安郡西又東南歷赤亭下南流注於江江北烽火洲卽

舉洲也北對舉口春秋吳楚陳於柏舉京相璠曰漢東

地矣江夏有沮水或作舉疑卽此元和志麻城縣東南

八十里有龜頭山卽春秋柏舉也名勝志今麻城縣東

六十里有龜峯山卽舉水之源也又有柏子山在縣東

三十里柏舉之名蓋合柏山舉水而得之顧棟高曰案左傳子常濟漢自小別至於大別又三戰而陳於柏舉是在漢之東北其地應在麻城境今屬湖北黃州府傳遜謂在今河南西平縣本柏子國似誤

宮唐

同上蒙穀結門於宮唐之上原注豈高唐耶恩澤案今

江西撫州府臨川縣東南四十里有工塘見乾隆或卽圖志

宮唐之訛鮑注非是

濁水

同上屬之子蒲與子虎下塞以東與吳人戰於濁水而

大敗之亦聞於遂浦原注濁水出齊郡廣之陂山東蓋

齊楚壤界

恩澤

案淮南子修務訓韓吳濁水之上大破

之以存楚國高誘注云濁水蓋江水傳曰敗吳於公壻
之谿公壻之谿楚地是誘以濁水卽公壻之谿也但其
地不知所在寰宇記鄧州南陽縣西三十里有濁水張
氏琦曰水經注清水右合濁水俗謂之弱溝水上承白
水流逕鄧縣故城南按左傳秦敗吳後子期子蒲滅唐
唐故城在今隨州西北八十里唐鄧相近應在此水鮑
注非是

遂浦

見上原注楚地缺或吳夫遂也補曰左傳云在稷與沂

注楚地當考恩澤案左傳稷沂杜氏皆不言所在或曰

稷在今南陽府桐柏縣境傳又云敗吳師于軍神或曰

在今隨州西南又云吳師居麇卽故麇國在今鄖縣或

麇在岳州府巴陵縣東疑非是時吳雖深入恐不至此遂浦或係別名疑卽在襄

鄖等處但無的據耳

磨山

同上遂自棄於磨山之中原注後志磨城子胥所造蓋

以此山名城也正曰高云漢注引歷山姚氏引李通傳

論注引策文同恩澤案地理志充縣歷山澧水所出在

今湖南澧州安福縣西蓋卽高氏所據張氏琦曰今荆門州當陽縣東四十里有磨城荊州記以爲子胥所造則鮑注之說也

會稽

秦策謂秦王曰章吳王夫差棲越於會稽勝齊於艾陵

爲黃池之遇無禮於宋遂爲句踐禽死原注會稽故越

國揚州郡亦山名

恩澤

案山海經會稽之山四方上多

金玉下多硃

水經注引作瑛

石越絕書

職方正義引此作越傳

禹到大越

上苗山大會計更名苗山曰會稽

夏本紀會稽者會計也禹合諸侯於此

功命曰會稽蓋卽本此然此說論衡已駁之

有南鎮廟呂氏春秋天下九山

會稽其一

淮南地理志

會稽山在會稽郡山陰縣南止

有禹冢禹井越王句踐本國有靈文園水經注會稽之

山古防山也亦謂之爲茅山又白棟山自平地趨山頂

七里今在浙江紹興府東南十三里

爾雅正義作二十里說文會稽

面也段玉裁曰此卽左傳禹合諸侯於塗山也杜注謂在壽春東北齡縣非是壽春之塗山乃禹所聚地酈道

元云穆有塗山之會在此高誘淮南子注云會稽在遼西界或又云

艾陵

見上原注杜注齊地補曰正義云艾山在兗州博縣南

恩澤

案艾陵與艾山有別春秋隱六年公會齊侯于艾

杜注泰山牟縣東南有艾山此艾邑也哀十一年齊國

書帥師及吳戰于艾陵杜注但云齊地而不言所在自

是兩邑正義合而一之路史亦云非是顧棟高曰艾山在今

沂州府蒙陰縣西北杜注所云是也艾陵在今泰安府

泰安縣東南其春秋與圖又主孔氏曰在博縣南六十

里是也此乃史記春申君列傳正義並非左傳孔疏顧蓋誤引但以傳文克博今泰

安至羸今萊蕪縣推之似不甚的當時由博至羸乃戰于艾

陵則艾陵不應在博今萊蕪縣東北有艾陵亭萊蕪卽

古羸縣由羸至艾陵當在其地

黃池

見上原注陳留外黃

衍池字

縣有黃溝又魏內黃注吳會

諸侯于黃池今黃溝是正曰哀十三年杜注陳留封邱

縣南有黃亭近濟水按外黃小黃封邱皆屬陳留外黃

有黃溝故指爲黃池而內黃隸相者亦有黃溝水經注

所謂河水決通濮濟黃溝者也相與封邱殊遠當以杜

注爲正路史亦云

恩澤

案郡國志陳留郡平邱縣有黃

池亭劉昭曰陳留志云黃亭在封邱

張氏琦曰今封邱乃古平邱古封邱

應更在西杜預曰在縣南傳曰吳囚子服景伯以還及戶牖

黃池在戶牖西或以爲外黃縣東溝非也正義黃池在

汴州封邱縣西南七里東西廣三里薛瓚曰國語吳子

掘深溝于商魯之間以會晉公午于黃池正此地也史

記侵宋黃池卽此 彙纂夫差所掘之溝北屬之沂西

屬之濟沂水出蓋縣臨樂山詳見魏策入于泗而濟水在封

邱南是時夫差旣通江淮遂帥舟師自淮入泗自泗入

沂復穿宋魯之境連屬水道有不通者鑿而通之以達

于封邱之濟杜氏所謂近濟水是也高士奇曰吳人溝

通之路蓋由今考城卽外黃東溝過杞縣東北六十里爲古外黃城北境

歷蘭陽東北二十里卽古戶牖而至于封邱近濟水如謂黃池在內

黃則黃溝非進兵之路如謂黃池在外黃則戶牖反在

其西不應爲歸路此薛瓚劉昭所以鯁鯁辨之惟杜說

爲不可易也今衛輝府封邱縣西南有黃池春秋時爲
宋地地理志應劭注以爲在內黃水經注以爲在永黃
俱誤趙匡以爲舊地胡安國以爲衛地亦非

干隧

秦策頃襄王二十年章吳見伐齊之利而不知干隧之
敗也原注道應注在臨淮正曰正義云出萬安山西南
一里太湖在蘓州吳縣西北四十里恩澤案淮南道應

訓荆有佞非得寶劍于干隧注干國在今臨淮出寶劍

此鮑氏說也

謝塘荀子按注以爲此卽國策干隧亦在蘓州高注非是

呂覽知分篇

注云干遂吳邑二書俱出高誘手而其說不同似是兩

地郡國志餘杭山一名萬安山山下卽干隧擒夫差處
正義夫差敗於姑蘓擒於干隧相去四十餘里初學記
吳縣西北有地名干隧今蘓州府長洲縣西北三十里
有陽山其別阜曰遂山或云卽此

三江之浦

三江史作三
渚新序同

同上吳之信越也從而伐齊遂敗齊人於艾陵還爲越
王禽於三江之浦高注卽干隧鮑注禮揚州其川三江
正曰書蔡傳婁江東江松江也

恩澤

案正義蘓州東南

三十里名三江口一江西南上七十里至太湖曰松江

古注

一江東北下三百餘里入海曰下江亦曰婁江一

江東南上七十里至白蜆湖在吳江曰上江亦曰東江
張氏琦曰今松江實江自太湖分流經吳江縣至蘆州府城外又至嘉定縣入海東江亦自太湖分流經嘉興府至乍浦入海吳地記松江東南行七十里得三江口此春申君所云三江之浦也凡國語吳越所爭三江五湖之利皆在此處左傳哀十七年吳子禦之笠澤亦其地也

白

楚策江乙爲魏使於楚章然則白公之亂得無遂乎原

注白公太子建子勝

思澤

案左傳哀十六年杜注白楚

邑今汝陰褒信縣西南

正義作東十七里

有白亭水經注淮水

東逕白城南楚白公勝之邑也東北去白亭十里括地

志白亭在豫州褒信縣東南三十二里今光州息縣西南七里有白公城卽其地也然史記楚世家云楚惠王二年子西召勝于吳爲巢大夫號白公巢卽今廬州府巢縣邑志云縣西南七里有故白城六朝時於廬州置汝陰郡又僞置慎縣疑邑志因此附會伍子胥列傳又云使居楚之邊邑鄢號爲白公徐廣曰潁川鄢陵是正義謂鄢城與褒信白亭相近非是則白地非一以左傳使處吳境核之似巢爲近然傳云吳人伐慎白公敗之慎爲今潁州府潁上縣又與息縣相隣未知孰是路史邵陽有白公城卽白公邑不知所在今陳州府扶溝縣北四十五里亦有

白亭

亦見伍子胥列傳正義

則別爲一地與此無涉

費

秦策秦武王謂甘茂曰章昔者曾子處費高注費邑鮑

注魯邑屬東海

恩澤

案費有四一在今四川黔江縣路

史國名紀費翳之封音沸費仲

紂臣

費昌

桀臣

國費州費水

之地是也一在今河南偃師縣南二十里之緱氏故城

此費滑之費春秋時已滅左傳殄滅我費滑是也一在

今濟寧州魚臺縣之費亭此古費國戰國時尙存孟子

有費惠公楚世家有鄒費邾邳呂覽審勢篇以滕費則

則勞以鄒魯則逸又云東海十里小諸侯有滕費諸國

是也一在今沂州府費縣西北二十里之費縣故城

大事表作西南七十里即魯之費邑本費瘠父采地後以與季氏

左傳公賜季友汶陽之田及費是也此當是魯之費邑

在魯東尚書費誓序東郊不即東武城魯別有南武城

孟子曾子居武城與此為一地曾子本南武城人而為

在一說苑魯人攻費曾子辭於費君疑是古費國然說

苑多訛謬恐不足據或曰季氏入戰國子孫居費遂以

邑為國僭稱公謂費或又云戰國魯衰降稱費俱未可

信元和志毫州永城縣驪驕南二十里有

故費城此乃漢曹騰封邑與古無涉

齊策燕攻齊章請裂地定封富比陶衛又秦策蔡澤見

逐於趙章長為陶朱原注居陶易姓朱恩澤案貨殖列

傳之陶為陶朱公又云陶天下之中諸侯四通又見越世家

正義括地志云即陶山在齊州平陽縣一作濟州平陰縣東三

十五里陶山之陽今南五里猶有朱公冢又云曹州濟

陽縣按唐書地理志齊州無平陽曹州無濟陽惟武德四年於宛句析置濟陽縣隸杞州貞觀元年省疑

俱是濟陰之說時定陶省入濟陰東南三里有陶朱公冢又云在南郡

華容縣西未詳也水經注王隱晉書地道記陶朱冢在華容縣今檢其碑題云故西戎令范

君之墓稱蠡是其先也索隱服虔云陶今定陶也是范

蠡之陶凡有數處而舊說多主定陶也詳見秦策

衛

見上原注索隱引延篤云陶陶朱衛衛公子荆非也王
劭云魏冉封陶商君姓衛謂此云爾姚氏亦引恩澤案
二說以王爲長然鞅乃衛之支庶非姓衛也或其後以
衛爲氏耳

見上南陽下恩澤案元和姓纂文王子叔鮮封于管因

氏焉夷吾其後也司馬彪曰濟南有管縣疑卽管仲之

邑然今本作菅應劭曰音姦則其封未的左傳宣十二

年次于管以得之釋文本或作杜預釋例以管仲穆王後說本國語

韋昭注

則其世難考詳見韓策

晏

燕策燕太子丹質於秦章雖有管晏不能爲謀恩澤案

晏以邑爲氏今濟南府齊河縣北二十里有晏城袁宇

記謂之晏嬰城志云晏嬰采邑也惟左傳云與晏子鄰

殿其鄙六十不受晏子春秋景公封晏子於都昌在今萊州

府昌邑縣西齊乘曰卽城南五里之大營城也不受又云景公爲晏子封邑使

田無宇置臺與無鹽不受皇輿表又以高密爲晏子封

邑說各不同或謂都昌卽邸殿高士奇曰古者增封每

因其原封而附益之晏子本封于晏邸殿疑卽在此都

昌之說不可通顧棟高曰高密屬萊州蓋以晏弱滅萊而封之故晏子爲萊之濰夷人昌邑與高密接壤則其增封非無據晏城之爲晏或其未封高密時所食邑耳今按雜家之言多不足信左傳邱殿在杜注已無確詰當從闕疑惟晏城爲較是

崔

楚策客說春申君曰章齊崔杼之妻美莊公通之

恩澤

案左傳杜注濟南東朝陽縣西北有崔氏城通志崔氏城在章邱縣西北二十五里今在縣西北六十里

顧棟高云

當有六十餘里通志非是俗名古城

摩笄之山

燕策張儀爲秦破從連橫謂燕王曰章故至今有摩笄之山原注正義云摩笄山在蔚州飛狐縣東北百五十里恩澤案摩笄山一名雞鳴山相傳每夜有野雞羣鳴

祠屋上故名魏土地記下洛縣東北三十里有于延河

東流水北有雞鳴山卽此

又云代郡東南二十五里有馬頭山其側有鍾乳六卽此

括地志摩笄山亦名爲山

餘同顧祖禹曰今在保安州正義

西北三十里

洪亮吉曰在蔚州東南

後叙

戰國策注向稱高姚鮑吳四家高注僅傳三卷屬業未畢
遠不及其注呂覽淮南之詳瞻姚本亦甚寥寥無足觀覽
惟鮑吳二注盛行於世論者多祧鮑而祖吳以今觀之楚
失而齊亦未爲得其他譌謬弗暇具舉卽以地理言齊燕
戰權而以爲在當陽瀨湖屬越而以爲在厲鄉此鮑之誤
也高蔡乃續封之別名載在荀子淮南而擅爲改易荆代
皆後起之支國明見韓詩史記而概云無考此吳之誤也
凡斯之類更僕難數隨手舉似直成笑劇道光庚寅奇以
年家子禮拜國子祭酒程春海先生於鍾山講院執所刻

孔孟編年爲贊蒙先生不棄以爲可與道古招致廡下朝夕過從意甚相得一日謂奇曰我

朝地理之書最爲精博然皆詳於春秋史漢而不及國策吾與子共成一編以補其闕可乎奇未敢應命先生曰某

當標舉大意子爲疎通證明之何如則對曰唯於是先生盡發行篋所攜地志數十種博觀約取條分件繫計得七百餘事共成十餘萬言閱十月而書竣每陳一義批卻導窾不特舊注之謬如摧枯拉朽無從枝梧卽歷來名著亦有一經駁正而俯首帖服者又以長夏餘閒繪爲圖而繫以說使列國形勢如掌上螺紋瞭然尺幅於是是書遂爲

談國策地理者不可無一不能有二之作國策不廢此書
亦斷斷不廢惟先生思精學富凡所論列抉摘無遺不待
闡繹間有引而不發之處補綴一二已極賅脩區區瑣義
本不足存而先生不讓土壤不擇細流謂宜兼收而並蓄
之因仿古纂箋之例雙行夾注分繫各條之下以續紹之
舉得附驥之榮既深慶幸彌復自愧讀者分別觀之可也
大清道光十一年歲次辛卯立秋後五日溧陽狄子奇謹
序於金陵邢園之枕流漱石山房